



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Statv In Qvo Sint Beatorvm Animae Post
Hanc uitam, ante ultimi iudicij diem**

**Dévay Biró, Mátyás
[Nürnberg], [1537]**

VD16 D 1300

De Praedestinatione.

urn:nbn:de:hbz:466:1-34195

Ambrosius de
Domine p̄ misericordia
orth. 12.
omnes 3.
orthab. 12.

Dei voluntas est
impleta
Ioh. 6. et 3.
ath. 7.
rom. 12.
ephes. 5.
1. cor. 2.

probatur hoc figmentum eorum. & non uident miseris Paulum per similitudinem illis loqui. Vide Ambrosium, De dominio p̄ misericordia, orth. 12. Marcus 3. exponit in æternum. Locus Machab. 12. quasi unica arx est, ex qua contra nos pugnatur. Sed notum est iudicium ueteris ecclesiæ de eo libro, & prudens lector facile uidet, cur Iudas drachmas collegerit, ut s. f. superstites Iudei ea collatione testarentur, se mortuorum peccatum non probare, & deprecarentur Dominum, ne paucorum interemperiorum peccatum noceret toti populo. Cui haec non satisfaciunt, ille uideat cur unicam sententiam toti scripturæ opponat.

DE PRAEDESTINATIONE.

In gratiam fratrum quibus hic desudatum est, non grauabor & de prædestinatione breuiter loqui. Multorum enim conscientiæ anguntur, cum audiunt Deum suos ab æterno elegisse, hæsitantes num & ipsi electi sint. Hi primum omnium sciant uoluntatem Dei duplicem esse, alteram revealatam in scripturis, quod scilicet Deus pater uult omnes nos salvare per Christum. Ioh. 6. Hæc est uoluntas mei patris, ut qui uidet filium & credit in eum habeat uitam æternam. Et 3. Non misit Deus filium suum in mundum, ut iudicet mundum, sed ut saluetur mundus per ipsum. Matt. 7. Qui faciunt uoluntatem patris mei, & Rom. 12. Probetis quæ sit uoluntas Dei bona. Ephe. 5. Intelligentes quæ sit uoluntas domini. 2. cap. prioris Epistolæ ad Cor. Nos Christi sensum tenemus. Hæc enim patris est uoluntas, in qua omnes Christiani certi esse debent, quod uelit nos salvare per Christum, sicut creauit per ipsum, & fides est ista certitudo salutis nostræ. Scio cui credidi, & certus sum.

Item

Item Heb. 10. In qua uolūtate patris sanctificati sumus per oblationem corporis Iesu Christi semel. Altera uoluntas non reuelata, cur hunc saluet, illum induret, occulto iudicio, sed uero. De hoc iudicio ne simus curiosi, scientes quod Deus omnia benefaciat ad gloriam suam, Rom. 9. Secundo in hac controuersia sciamus, promissionem Dei, de nostra salute generalem esse. Nam in hoc simus, quod nos ab hac generalitate excidere non sinamus. Vult enim omnes homines saluos facere. 1. Ti. 2. Omnim domīnus diues in omnes. Rom. 10. ut omnium misereatur. 11. Sic Deus dilexit mundum, ut unigenitum suum daret, ut omnis qui credit in eum, habeat uitam æternam. Nam si te inuenies in Christo per fidem, inuenies te esse prædestinatum. Nam prædestinationis ratio, a uerbo Dei est incipienda. Qui enim uidet me (dicit Christus Philippo) uidet patrem, Ioan. 14. Item, 10ij. 12. Nemo nouit patrem nisi filius, & cui ipse uoluerit reuelare, Matthæi 11. Qui est in sinu patris, ipse enarravit, Ioan. 1. Cæterum haec promissio etsi sit generalis, tamen est gratuita. Prædestinavit te Deus, adoptauit in filium, elegit, non respectu meritorum, operum, dignitatum, sed pure per Christum, quem nobis gratis promisit. Ephe. 1. Elegit nos in Christo ante mundi constitutionem. Item prædestinavit nos in adoptionem filiorum per Iesum Christum, in ipsum. Item, Gratificauit nos in dilecto. Hezech. 36. Non propter uos ego faciam domus Israel, sed propter nomen meum sanctum. Item, Non propter uos faciam notum sit tibi. Deut. 32. 9. Neq; enim propter iusticias tuas ingredieris, sed ut compleret uerbum suum dominus. Caussa ergo electionis siue prædestinationis nostræ, est misericordia Dei, charitas Dei qui prior nos dilexit, Iere. 31. Charitate perpetua dilexi te, ideo attraxi te miserans. Ab æterno Deus elegit suos, quæ æterna electio excludit temporarium meritum, operum & dignitas

Augustinus

Ambrosius

Haymo

Certitudo dñp^r

dignitatum nostrarum, qui cum nondum nati essent, aut aliquid boni aut mali fecissent, ut electio Dei secundum propositum maneret &c. Elegit autem in numero, omnia eīm in numero, & pondere, & mensura disposuisti, nec electorum numerus potest uel augeri vel minui. Vnde & Augustinus in soliloquijs, cap. 28. Quos igitur, inquit, tibi elegisti de multis, ipsos mundas, quorum nomina, numerumq; tu nosti, qui nequaq; possunt perire, quibus omnia cooperantur in bonum, etiam ipsa peccata, & quos anteq; faceres cœlum & terram præsciueristi ad mortem æternam, illis omnia cooperantur in malum. Ambrosius de uocatione Gentium libro 2. cap. ultimo: Benedictus Deus & pater domini nostri Iesu Christi, & cætera sub eiusdem sensus prædicatione subnectit, docēs donum atq; opus gratiæ in æterno semper Dei mansisse consilio, omnesq; adoptionis filios, non solum in eo tempore, quo iam existentes uocati sunt, sed etiam priusq; mundus conderetur electos, in qua electione, quicquid hominum præcognitum non est, nulla eidem ratione sociabitur. Omnes enim qui ad regnum Dei, de cuiuslibet temporis uocatione uenturi sunt, in ista quæ secula cuncta præcessit, adoptione signati sunt, & sicut nullus infidelium in hac sorte numeratus est, ita nullus piorum ab hac sorte discretus est. Hæc autem æterna & semper tranquilla cognitio nulla nos urget necessitate peccandi, nec inde manat iniquitas unde iusticia. Haymo Dominica post trinitatem 5. Vedit duas naues quas bene Iesus uidisse perhibetur, quia in utroq; populo nouit, qui sunt eius. Et apud ipsum est certus numerus electorum suorum. Adhaec non incommodè quidam de duplici certitudine, externa & interna texunt sermonem. Interna certitudo, est ipsa fides, & unica in Christum fiducia. Tu ipse fac periculū, si tantum Christum habes anchoram salutis tuæ, si credis promissionem &

nem & generalem esse, & gratuitam. Externa certitudo, sacramēta, crux, bona opera. Nam ut Petrus docet 2. Petri 1. *z petri. 1.*
Vocatio per bona opera certior facienda. Ut n. manus admodum igni sentit calorē, ita piorum conscientiae certae sunt, de sua salute. Rationem autē prædestinationis, apposite scripsit Paulus Rom. 8. Quos præscivit, hos & prædestinavit; quos *Roma. 8.* prædestinavit, hos & uocauit: quos uocauit, hos & iustificauit: quos iustificauit, hos & magnificauit. Hic præscientia non opponitur prædestinationi, quos ab æterno elegit, hos uocat uerbo externo, uel interna inspiratione spiritus, tales iustificat fide, & magnificat dotibus glorificationis.
Augustinus eodem modo in Soliloquijs cap. 28. Sine eorum *Augustinus?* meritis prædestinasti ante mundum, uocasti de mundo, iustificas in mundo, & magnificas eos post mundū. Scias ergo te uere esse prædestinatum, & scias per quem, & cuius gratia Regula autem certa prædestinationis fides est. Huc adscribam suauissimam Bernhardi sententiam sermone quinto de dedicatione. *Bernardus* Quis poterit saluus esse dicunt discipuli, Saluatoris, & ille: Apud homines hoc impossibile est, sed non apud Deum. Hæc tota fiducia nostra, hæc unica consolatio nostra, hæc tota ratio spei nostræ. Sed de possibiliitate iam certi, de uoluntate quid agimus? Quis scit si dignus est amore an odio? Quis nouit sensum domini? Iam hic plane fidem nobis subuenire necesse est, hic oportet succurrere ueritatē, ut quod de nobis latet in corde patris, nobis per ipsius spiritum reueletur, & spiritus eius testificans persuadeat spiritui nostro, quod filij Dei sumus. Persuadet autē uocando, & iustificando gratis per fidem. Hæc ille: Nihil prodest tibi scire, apud Deum te esse prædestinatū, nisi & fide sis certior factus de tua prædestinatione. Hæc etiā crasse, scripsi tamen ad piorum fratrum consolationem. Ex his domine Francisce pro tua poteris dexteritate despicere, ego ne an Frater iustiorem habeat caussam, Vale, & seruet te Christus.

x 2